



イ 3  
563  
1



門 1203  
編 568  
卷 1

讀書紀數  
略五十四卷

讀  
書  
紀  
數  
略  
序

讀書紀數略序

極天下之至賾者莫如名物紀天下之至賾者莫如數  
自一名一物以至十百千萬之名物有時而盡自一數  
以至十百千萬之數用之至於不可勝窮夫一名一物  
各有本根至於數豈無所自始與蓋數之始至微渺矣  
而析之縷縷而不盡其變合之渾渾而莫窺其端近而  
日用飲食之微遠而家國天下之大原其始而要其終  
莫不有至理存焉知之坐照而無疑守之服膺而弗失  
適歸乎性命道德之極致焉數之時義大矣哉善言數  
者莫如易昔者聖人之作易也能知數之所自始而後

能用數以作易易之數始於河圖自漢魏以來洎有宋儒者莫不推言之而卦爻之數始於河圖之中五蔑有能明著之者是以萬有一千五百二十之策加倍推之法又往往支離而弗合言易數者既不知其數所自始則將無以驗之事物體之身心或僅漫視爲卜筮之書余滋懼焉往因退居多暇玩索彌年於此恍然自覺有得歲時流邁衰暮孤危欲就正世之有道君子而決擇所適從也有味哉宮中丞公之讀書以數紀書也予覽之躍躍然有感於吾心焉謂其以數之爲可貴也則必能求其數之所自始者矣公味道含經述作不倦上

白金版玉匱之書旁及海外名山之籍逖訪遐稽皆取其繫於數者紀之於冊其數之所不繫者罔不穿穴采掇橫見側出於其間如編貝聯珠璨絢震耀盪人心目其善用數也如此予是以因讀公之書姑以向所得於易之言數者引其端以質於公若其精微之指則非親聆公之緒言固不能縷悉其萬一也方公之爲是書也上視河駐蹕維揚公以所撰部卷及義例奏進上覽而嘉焉命以例編刻夫以學士大夫歸田野處導幽閑而託篇翰與

人主相上下可否此亦不世見之遭逢儒林之美譚不

言書系集  
朽之盛事不惟公一己之爲榮而已也書成旣進  
御問序於予予耄且老而益喜學易乃以其芒芒然懂  
若有所得者質於公自忘其炳燭之明何足語于白日  
之昭昭也不禁其道然顧影而自笑矣  
龍集康熙四十八年春王正月澤州陳廷敬撰

康熙丁亥春

車駕南幸駐蹕維也宮定山先生以所編讀書紀數略  
五十四卷繕寫進呈

行幄

皇上親加披閱深用褒美令鈇板行世蓋以徵引博大  
有裨後學故也時傳

旨者爲京江相國張公澤州相國陳公余忝列冬卿供  
職

內直亦得與焉先生奉

命付開雕氏不踰年而剞劂成帙令仲孫柄和恭賚數

十部上達

御前復荷

嘉荅稽古之榮於斯極矣客歲先生走筆數百里徵序於余余以此係

聖天子賞鑒之書何敢復贅一辭然思得以刊布而流傳者出於

上意則是書之成文教攸關余又樂得而揚扈者也因爲之序曰粵夫類書肇自蕭梁間而莫備於唐宋之代歐陽率更有藝文類聚虞永興有北堂書鈔徐學士有初學記白香山有六帖以至晏元獻之

類要謝無咎之合璧著述紛綸後先蔚起顧從未有及於紀數者有之自宋王尙書應麟小學紺珠始明則有張侍講九韶之羣書備數然掛一漏萬遂以爲集其成可乎夫數之時義大矣數昉於庖犧之一畫而成於河圖變於洛書通於大衍總其大要不過一奇一偶上自天地山川下逮昆蟲草木凡有名可命者皆有數可紀事之繁也非得數以貫之則紛而難理物之夥也非有數以攝之則散而無統周禮列於六藝唐世以之取士誠重之也顧載籍繁多汗牛充棟未易蒐羅學不贍則失

之陋才不優則失之隘識不精則失之雜先生書  
擁曹倉軸盈鄴架擗摺蒼萃親自編輯如陟蒙山  
如吞雲管散語兼收儷詞竝錄縷析絲分珠聯璧  
合入波斯之市寶光陸離不足爲其富也遊金谷  
之園萬花奪目不足爲其采也林邑揚邁烹鍊融  
液不足爲其精也積絲成綵散繭騰花不足爲其  
細也蓋博類張華核逾崔豹學莫瞻焉才莫優焉  
識莫精焉足使閱者安坐食跖無假祭獮洵可謂  
詞壇之陸海藝苑之武庫也駕宋明王張兩先生  
之書而上之無疑已顧余抑有說焉先生經術湛

深遠繼江都中壘故發爲文章醇而能肆大而有  
則當其試禮部冠南宮名震天下旣入臺班垂紳  
正笏侃侃而談動關軍國嗣後敷歷中外爲封疆  
大吏本其所學見諸政事厥績爛焉今雅志歸田  
東山養重日手一編丹鉛不輟其纂輯之富足以  
囊括古今者不獨是編而是編之在

上前也當

萬幾餘暇或因事以求其數因數以求其義無待翻閱  
四庫博徵二酉一展卷而卽得可代行祕書矣然  
後知先生跡雖江湖而心存廊廟其廣搜博引以

成一家而上邀

宸鑑之知者誠非無本而致此試質之京江澤州兩相  
國其庶以余言為知言也夫

康熙辛卯仲春松江王鴻緒拜手撰

欽定四庫全書提要

讀書紀數略五十四卷

國朝宮夢仁編夢仁字定山泰州人康熙戊戌進士  
官至福建巡撫康熙四十六年

聖駕南巡夢仁方罷官里居因恭迎

六御以此書奏呈

御覽得

旨刊行遂併版繳

進至今存貯於

內府亦儒生之榮遇也前



奏摺二通摺稱五十二卷此本實五十四卷或鈐木  
時析其兩卷歟其書分天地人物四大綱天部分  
子曰四地部分子曰十人部分子曰二十九物部  
分子目十一凡諸書所載故實有數可紀者各以  
類從大抵以王應麟小學紺珠張九韶羣書拾唾  
爲藍本而稍摭宋元明事附益之較二家之書頗  
爲賅備每類先標目錄亦較二家之書爲易檢尋  
雖載籍極博未能包括無遺所載諸事又或不註  
所出然凡例稱數之可紀旣數不勝數而汗牛充  
棟之書更難盡讀茲不過就耳目所及見聞懼其

略而弗詳故名之曰略又稱題下必註某書示不  
忘本也其間多有不註者大約世所習見之書亦  
或鈔時偶忘若原本所未註則彼先失記相沿已  
久且難徧考云云則夢仁固已自言之無庸執以  
相病矣

奏進書摺

原任巡撫福建都察院右副都御史臣宮夢仁謹

奏為微臣粗輯讀書紀數略恭先繕進

御覽仰祈

聖訓事伏惟我

皇上天縱生知孳孳好學

宸章睿藻無一不出聖而入神乃猶哀集簡編網羅茂

異宏開館局廣事纂修固邇言而不遺亦片善之

必錄此真大造生成之德無私覆載照臨者矣臣

章縫鄙儒忻遇

親政首復制藝登鄉薦領南宮

欽選庶常旋改御史新進不識時務如礦洞必不可開  
急濬淮揚海口等疏皆賴

皇上宏慈涵鑒轉補河南督糧道酌議節省每年漕項  
銀五萬餘兩加臣二級後不拘開列

簡用校士鄒魯內陞洊歷卿貳兩次

特點武殿試讀卷官

霽顏下詢年齒籍貫

命撫閩省允臣便道焚黃四世榮施涖任一載自知封  
疆重寄謫劣難勝兼之背疽昏憤中愆尤日積

皇上不加重譴祇令歸田卽便効力永定河高加堰復

邀

恩敘癸未乙酉兩迓

鑾輿於東界仰承

天語垂問

頒賜明月松間照清泉石上流

御書敬懸中堂慶溢閭里臣胞弟鴻歷又蒙

皇上選授翰林院庶吉士胞姪懋諒又蒙

皇上考取

武英殿修書伏念生平知遇皆出自

聖明拔擢豢養四十年舉家叨忝涓埃未報感激涕零  
雙耳禦聰頽齡屆耄退居却掃不敢衣食坐糜輯  
有讀書紀數略併玉海選兩書謹將紀數略全部  
先行繕寫進

呈共計五十四卷大指具悉例言在

聖天子包羅宇宙囊括古今儒生常談何足上塵

黼座臣竊惟事有鉅細精粗而理實一本茲固不克與  
司馬通鑑真氏衍義同日而語其於天地人物辨  
名析類頗事採輯但恐學識粗疎見聞淺渺伏冀  
聖恩俯賜披閱

特示訓誨開其耄愚俾雜俎羣言信今而傳後則雖蠡  
測管窺不勝冒昧是懼實自頂戴稽古遭逢為曠  
世所罕觀矣其玉海選校訂粗完緣卷帙稍多未  
能刻期竣事倘臣不卽就衰憊

皇上再次南巡得以捧觀

天嚴是又望外之幸謹具摺竝書奏  
聞

康熙四十六年三月初一日

奏鈇式摺

原任巡撫福建都察院右副都御史臣宮夢仁謹

奏爲微臣欽奉

俞旨刊刻讀書紀數略謹呈鈇式恭請

欽定書名事竊臣至愚陋質近耄迂儒伏處偏隅心常

存乎瞻就蔽聰却埽力不任乎馳驅惟恐玩愒歲

時無以仰答

高厚幸值

右文之世敢不困學自期所輯紀數一編適當繕寫初

竣意等集狐之腋有美必收識慚窺豹之斑無長

可取用覆瓿而不足思獻曝其奚堪祇以咫尺

天顏冀

訓詞之下濟因致妄塵

宸鑑懼冒昧之上干迺

皇上知本生知聖不自聖量弗遺於問察采亦及乎芻

蕘猥蒙

甄收遂令付梓俾碎金屑玉肆布寰區且昔聖先賢

重輝簡冊發蒙震聵盡沐

君師啓牖之功廣見洽聞均沾

天地生成之德

臣

非特意料所莫及實亦遭際之至奇

稽古叨榮於斯爲盛聞

命甫下忭怍難名謹先鈔書式一卷伏候

聖裁恭請

欽定書名冠冕首頁俟賚全書進

呈仰請

御製書序傳諸天下後世庶永昭文籍之光華更使

臣

子若孫得咸寶

天章之巍煥矣謹具摺併鈔式奏

聞伏祈

睿覽俯俞施行

臣

不勝惶悚待命之至謹

奏摺

鈔式

二

懺花盒

奏

康熙四十六年四月二十五日

奏書成摺

原任巡撫福建都察院右副都御史臣宮夢仁謹

奏為欽奉

俞旨刊刻讀書紀數略告成進呈

御覽事臣叨

皇上高厚之恩年今七十有七自兩河效力後鍵戶家  
居輯成此書繕寫敬進蒙

皇上俞旨不責臣淺陋不罪臣冒昧令付剞劂聞

命之下喜懼交縈臣於昨年五月六日恭送

聖駕臺兒莊星夜南旋復加訂正按原本五十二卷因

中有二類稍涉混淆故又分出考年稱號二卷共計五十四卷約四十餘萬言先後增損之間不敢不詳慎從事鳩工於昨歲之初秋竣業於今歲之首夏謹裝潢二十部進呈

御覽又備書一百二十部書板五百三十九片遙望

天顏時淡孺慕不獲親詣

闕下覲展對颺遣

臣次孫 監生 臣 代 臣 賁 獻 伏 念 臣

面牆蒙識耳食綴辭縱有是編何足輕重於世一

經

皇上獎勵頓覺改觀自此播之四方垂諸久遠俾臣姓

字亦將藉是以傳斯皆

皇上生成之德逾於華袞之榮

寵褒錫自

九重與雕鏤而共永勤懇矢於五內惟銜結而難忘舞

怖不勝遭逢實慶臣無任干

天冒

聖激切屏營之至謹奉書竝板恭

進稱

謝以

聞



康熙四十七年七月 日

凡例 計十一則

一 臣之輯是編也曷以紀數名古聖人初制前民名以命之數以紀之之義也周禮九數列於六藝保氏掌之敎國子而養之於道史律志曰紀於一協於十長於百大於千衍於萬沿漢及唐用以設科取士不獨小學所不廢矣特數之可紀既數不勝數而汗牛充棟之書更讀難盡讀茲不過就耳目所及見聞者耳懼其略焉而弗詳故名之曰略

一 臣玉海選既竟見小學紺珠亦宋王尙書應麟隨手偶記之書故其間頗鮮倫次繼復得明初張侍講九

韶分門殘帙名以羣書備數而似多未備他若秋擎  
省蒙之強作韻語原爲幼學而設則又端緒茫然矣  
爰是有志得卽書之不數載至六千餘條三四倍於  
兩集恐其久而散佚輯以成編

一紀與選不同選則刪繁就簡紀則積少成多自開闢  
來極古今變蕃之數上天下地中而人物盡之矣故  
分天地人物爲四部亦猶甲乙丙丁之爲四庫也四  
庫類凡四十有四茲亦疏爲五十有四依類以求庶  
不致混淆昧日或舉一說而得半忘半或執其一說  
而不知其又有一說一手是編皆可稽考

一 是編蒐羅雖廣收錄頗嚴大約經史子集居其強半  
而稗官野乘卮言瑣說中卽不盡有典有則苟無傷  
大雅者亦及之其過於纖巧如東坡之二紅歐陽之  
三上等近於俚褻如妻三可畏三等待客等更如鹽  
有五色穀有五色等非不數有可紀然雜見他書不  
欲臆撰名目故皆登而復黜至奇幻不經則謹遵夫  
子不語怪之教未敢妄錄也

一 朝代與書籍自當分序前後但有兩類可作一類如  
天部之**歷**律物部之車旂等是也則難序有一類可  
兼數類如地部之廣輪人部之事蹟等是也又難序

就一類中一名言之如象緯之有日有月有風雲美刺之爲珠爲璧爲龍鳳不能必此名皆前彼名皆後也更難序故一類之中不盡通分前後祇可於一名之中各分前後非竟後來居上也

一宋景德慶曆間召羣臣觀國學漆板書始命書未有板者悉皆雕刻故昔人所藏每多鈔本學者從而口授心維如徐筠之受周禮延篤之借左氏王充闕市肆之篇李邕搜祕閣之卷或記憶偶誤或點畫偶差多寡詳略之間異同所自起也加以屢經繕稿勘對之時忽不及察則語云校書如掃落葉此從來通弊

不專魯魚亥豕之故矣

一古人以姓名傳有止稱姓如智趙魏韓及房李魏與周程張朱之屬者有止稱名如信越良平止稱字如元直幼宰之屬者有兩字名止稱一字如臯益之屬者再以爵諡爲榮如燕公代公文成忠武之屬在君父而諱如談爲同桓爲互恆爲常虎爲武之屬諸本皆沿流至今昭昭在人耳目間不等於不知姓名錄故不加疏釋

一聖經旣出易古文爲今文則六書八法尙已是編如法爲灋暴爲覲隸爲繇旻爲廸筮爲簪賈之竝作價

言書紀異時  
一  
估等是不一字大約周禮漢書居多悉依原本鈔寫未遂爲之更易者昔劉歆學奇字於子雲似法古趨時古人原不妨竝行而不相悖也

一題下必注某書示不忘本也其間多有不注者大約世所習見之書似可無庸亦或抄時偶忘耳若原本所未注則彼先失記相沿已久要難遍考且古人引用經傳前後詳略之際每多大同小異之文故雖知之亦不便妄爲擬議致有郢書燕說之譏

一題以數稱者必有日以實之如武王至殷郊五人御於前分唐叔懷姓九宗職官五正與夫文仲置六關等雖有其數而名目皆無從考則亦何取於是而紀焉間或有而不全姑且置而不錄卽不如郭公夏五之闕庶不蹈挂一漏萬之嫌

一凡著述縱極浩繁竣卽可以釋手是編如紺珠備數兩書於宋元多未究竟臣旣就一己之見聞爲之增益更復粗舉前明以備一代不過補所未及究難免於不備不純故雖經成書詎敢遽以成書自命天假之年或尙能操觚而事續紀耳

皇清康熙四十有六年歲在丁亥上元穀旦原任巡撫福建都察院右副都御史臣宮夢仁薰沐拜識

讀書紀數略總目

天部

第一卷

理氣類

第二卷

象緯類

第三卷

歲時類

第四卷

歷律類

讀書紀數略

總目

懋花齋

地部

第五卷

廣輪類

第六卷

土田類

第七卷

都邑類

第八卷

城關類

第九卷

邊鎮類

第十卷

屬域類

第十一卷

山川類

第十二卷

名勝類

第十三卷

朝廟類

第十四卷

宮室類

人部

第十五卷

統紀類

第十六卷

考年類

第十七卷

瑞異類

第十八卷

稱號類

第十九卷

世系類

第二十卷

族望類

第二十一卷

才賢類

第二十二卷

輔佐類

第二十三卷

事蹟類

讀書紀數略

總目

三

懺花齋

第二十四卷

法戒類

第二十五卷

美刺類

第二十六卷

好尚類

第二十七卷

辨名類

第二十八卷

倫品類

第二十九卷

形體類

第三十卷

資學類

第三十一卷

經籍類

第三十二卷

藝術類

第三十三卷

治道類

讀書紀數略

總目

四

鐵花盒



言書經要略 總目

第三十四卷

選課類

第三十五卷

爵秩類

第三十六卷

貢賦類

第三十七卷

食貨類

第三十八卷

軍政類

第三十九卷

禮制類

第四十卷

樂制類

第四十一卷

刑律類

第四十二卷

釋氏類

第四十三卷

道家類

續書紀效略

總目

五

懺花齋

物部

第四十四卷

車旂類

第四十五卷

珍寶類

第四十六卷

禮器類

第四十七卷

樂器類

第四十八卷

文房類

第四十九卷

武備類

第五十卷

雜具類

第五十一卷

冠服類

第五十二卷

飲食類

第五十三卷



四太

易四象

大衍四象

皇極經世四象

易四德

太元四德

五常之道

五行

五行神

五物同出異名

五行之變

五行救變

五殊二實

六府

五德更王二說

五運五勝

四序

十干

十二支

六十甲子

六甲五子

二繩四鉤

四和

三仲

八魁

九天九地

二十四向

先天八卦方位

後天八卦方位

六十四卦

乾坤六子

三十六宮

河圖八卦

洛書九類

大衍洛書洪範本數

九宮

九宮九星

三同二異

二圖同異

讀書紀數略第一卷

泰州 宮夢仁 定山 編纂

山陰 宋澤元 瀛士 校刊

天部

理氣類

一理 朱子云未有天地之先先有此理 易正義天  
地未分之前元氣混而為一老子道生一是也

太極 象數未形而  
理已具之稱

二氣 太極圖以為兩儀 易本義  
兩儀者始為二畫以分陰陽

陰 太極靜而生陰自陽 太極動而生陽自  
復至乾為六陽卦 姤至坤為六陰卦

兩儀 繫辭太極生兩儀謂兩體容儀 易正義混元  
既分即有天地老子一生二是也亦曰兩間

天氣之輕清 地氣之重濁 上浮為天 下凝為地

二名老子

無名天地之始 有名萬物之母

二始二終二中唐大衍歷議

天數始於一地數始於二合二始以位剛柔 天數

終於九地數終於十合二終以紀閏餘 天數中於

五地數中於六合二中以通律歷○素問立端於始

立首氣於初節之日表正於中示斗建於月半之辰推餘於終退餘閏於相望之後

三合離騷注

獨陽不生 獨陰不生 獨天不生

三無私孔子閒居

天無私覆 地無私載 日月無私照

三才易曰三極太元曰三儀

天形而上地者謂天地形而下人命於其兩○天地人之神謂

三靈

三才之蘊文中子

天統元氣 地統元形 人統元識

一物三才易一物而三才

陰陽氣也而謂之天 剛柔質也而謂之地 仁義

德也而謂之人

三極周書

一維天九星四方及五星 二維地九州 三維人四佐○

繫辭六爻之動三極之道也注王肅云陰陽柔剛仁

義為三極謂三才極至之理

天十端春秋繁露

天 地 陰 陽 人 五行

四大老子域中有四大而王居一焉

道大 天大 地大 王大

四稽鶡冠子

天 地 人 命

四太列子

太易未見氣之始 太初氣之始 太始形之始 太素質之始

易四象兩儀生四象

太陽陽中之陽 少陽陰中之陽 太陰陰中之陰 少陰陽中之陰 ○鄭康成

言布六於北方以象水布八於東方以象木布九於

西方以象金布七於南方以象火郭氏以九八七六為陰陽老少之象

大衍四象唐歷卦議

陽七之靜始於坎 陽九之動始於震 陰八之靜

始於離 陰六之動始於兌

皇極經世四象

日月星辰為天象 水火土石為地象

易四德

卦乾

元善之長為亨嘉之會為利義之和為貞事之幹為

太元四德

罔北直蒙東南酋西冥中

五常之道謂峭言道之一也

分為五事 屬為五行 散為五色 化為五聲

俯為五嶽 仰為五星 族為五美 物為五金

配為五味 感為五情

五行漢歷志黃帝起五部孟康曰五行也左傳曰五材五節太元曰五美太極圖曰五氣

水潤火炎木曲金從土稼○天一生水於北地六成

地二生火於南天七成天三生木於東地八成地四

生金於西天九成天五生土於中地十成行於四時

為五德○洪範言天地生五行之序月令言五行相

生之序禹謨言五行相尅之序

五行神廣雅

土神謂之獷羊 水神謂之罔象 木神謂之畢方

火神謂之游光 金神謂之清明

五物同出異名黃勉齋曰四時即五氣之流通五氣流通即一氣之妙用非截然一彼一此也

木盛於東為春 火盛於南為夏 土盛中央寄旺



四時獨盛於夏 金盛於西為秋 水盛於北為冬

五行之變關尹子

水潛故蘊為五精 火飛故達為五臭 木茂故華

為五色 金堅故實為五聲 土和故滋為五味

五行救變董子

木有變春凋秋榮救之者省繇役薄賦歛出倉穀賑

困窮 火有變冬溫夏寒救之者舉賢良黜不肖賞

有功封有德 土有變大風至五穀傷救之者省宮

室去雕文舉孝悌恤黎元 金有變畢昴為回救之

者舉廉潔立正直隱武行文束甲械 水有變冬溼

多霧春夏雨雹救之者憂囹圄案奸宄誅有罪芟五

日

五殊二寶朱子

其名有金木水火土五者之殊 其本不外陰陽二

者之實

六府禹謨以水尅火以火尅金以金尅木以木尅土而生五穀

水 火 金 木 土 穀

五德更王二說宋志謂相勝之說似較長

鄒衍以相勝立體 劉向以相生為義

五運五勝

太昊木 炎帝火 黃帝土 少昊金 顓頊水

帝嚳木 唐火 虞土 夏金 商水 周木相生之說

秦水以周為火漢相勝之說 漢張蒼以漢水勝周火賈誼 光武始

正火德 魏土 晉金 宋水 齊木 梁火 陳

土 後魏水繼西晉金 後周木 隋火 唐土 後唐土

晉金 漢水 周木 宋火

四序後魏藝術志有黃帝四序經文

孟序陰陽配合之原 仲序四時氣王吉凶 叔序日月辰宿交會 季序六甲刑禍福德

十干一作幹律書曰十母

甲 乙 丙 丁 戊 己 庚 辛 壬 癸 ○

以二氣言之則甲丙戊庚壬屬陽乙丁己辛癸屬陰

○以五行言之則甲乙屬木丙丁屬火戊己屬土庚

辛屬金壬癸屬水○以相合言之則甲與己合化土

乙與庚合化金丙與辛合化水丁與壬合化木戊與

癸合化火謂五運

十二支一作枝律書曰十二子又曰十二辰

子 丑 寅 卯 辰 巳 午 未 申 酉

戌 亥○以二氣言之則子寅辰午申戌屬陽丑卯

巳未酉亥屬陰○以五行言之則寅卯屬木巳午屬

火申酉屬金亥子屬水辰戌丑未屬土○以相合言

之則子與丑合寅與亥合卯與戌合辰與酉合巳與

申合午與未合名六合。又寅午戌合屬火巳酉丑

合屬金申子辰合屬水亥卯未合屬木名三合

六十甲子 黃帝師大撓作甲子以十

甲子乙丑 海中 丙寅丁卯 爐中 戊辰己巳 大林 庚午

辛未 路傍 壬申癸酉 劍鋒 甲戌乙亥 山頭 丙子丁丑

水 澗下 戊寅己卯 城頭 庚辰辛巳 白蠟 壬午癸未 楊柳

甲申乙酉 泉中 丙戌丁亥 屋上 戊子己丑 霹靂 庚寅

辛卯 松柏 壬辰癸巳 長流 甲午乙未 沙中 丙申丁酉

白茅 戊戌己亥 平地 庚子辛丑 壁上 壬寅癸卯 金箔

甲辰乙巳 覆燈 丙午丁未 天河 戊申己酉 大驛 庚戌

辛亥 釵釧 壬子癸丑 桑柘 甲寅乙卯 大溪 丙辰丁巳

沙中 戊午己未 天上 庚申辛酉 石榴 壬戌癸亥 大海

六甲五子 漢志日有六甲辰有五

甲子 甲戌 丙子 甲申 戊子 甲午 庚子 甲辰 壬子 甲寅

二繩四鉤 淮南

子午卯酉 為二繩 丑寅辰巳未申戌亥 為四鉤

四和 三禮義宗崑崙 四方其氣和暖 得東西南北之中

子 午 卯 酉

三仲三墳 書

讀書紀數略 卷一 天部 懺花金盃

太初生於酉仲 太始生於戌仲 太素生於亥仲  
八魁 蘇竟云八魁上 帝開塞之將也

春己巳丁丑 夏甲申壬辰 秋己亥丁未 冬甲寅壬戌

九天九地 漢書注 元女 三宮戰法

九天之上六甲子 九地之下六癸酉

二十四向 十二支加八干四隅 孝經緯 玉衡各以節氣指其向方

壬小指子雪大癸冬丑小艮大寅立甲雨卯驚乙春辰分  
清與穀已立丙滿午芒丁夏未小坤大申立庚處酉  
明與雨已夏丙滿午種丁至未暑坤大申立庚處酉  
白露辛秋分戌露乾降亥冬

先天八卦方位

乾南 坤北 離東 坎西 兌東南 震東北

巽西南 艮西北

後天八卦方位

乾西北金 坎北水 艮東北土 震東木 巽東南木 離南

火 坤西南土 兌西金

六十四卦 卦分八宮 每宮八卦

乾為天 天風姤 天山遯 天地否 風地觀

山地剝 火地晉 火天大有乾宮 坎為水 水澤

節 水雷屯 水火既濟 澤火革 雷火豐 地

讀書紀數 卷一 天部 巽花盒

火明夷 地水師坎宮八卦 艮為山 山火賁 山天大

畜 山澤損 火澤睽 天澤履 風澤中孚 風

山漸艮宮八卦 震為雷 雷地豫 雷水解 雷風恆

地風升 水風井 澤風大過 澤雷隨震宮八卦 巽為

風 風天小畜 風火家人 風雷益 天雷無妄

火雷噬嗑 山雷頤 山風蠱巽宮八卦 離為火 火

山旅 火風鼎 火水未濟 山水蒙 風水渙

天水訟 天火同人離宮八卦 坤為地 地雷復 地澤

臨 地天泰 雷天大壯 澤天夬 水天需 水

地比坤宮八卦 兌為澤 澤水困 澤地萃 澤山咸

水山蹇 地山謙 雷山小過 雷澤歸妹兌宮八卦

乾坤六子卦說

乾稱父純陽 坤稱母純陰 震長男陽在初 巽長女陰在初 坎中

男陽在中 離中女陰在中 艮少男陽在末 兌少女陰在末 ○三

男本坤體各得乾一陽而成此陽根於陰故歸之坤也三女本乾體各得坤一陰而成此陰根於陽故歸

之乾也

三十六宮

乾一兌二則三宮也 離三震四合三與四為七以

三乘七則十宮也 巽五坎六合五與六為十一以

言理氣類  
九  
十乘十一則二十一宮也 艮七坤八合七與八為  
十五以二十一乘十五則三十六宮也

河圖八卦

關子明云朱子河圖之位

一與六共宗而居乎北 二與七為朋而居乎南  
三與八同道而居乎東 四與九為友而居乎西  
五與十相守而居乎中

洛書九類

邵子圓者河圖之數方者洛書之文

九前 一後 三左 七右 四前左 二前右  
八後左 六後右 五居中 關子明邵康節皆以  
十為河圖九為洛書劉牧以九為河圖十為洛書大

傳謂二者皆出於伏羲之世

大衍洛書洪範本數

大衍之數五十者一與九為十 二與八為十 三  
與七為十 四與六為十此即洛書以虛數相合而  
為四十者也 加五與五為十此洪範以實數相合  
而為五十者也 其用四十有九者一用五行其數  
五 二用五事其數五 三用八政其數八 四用  
五紀其數五 五用皇極其數一 六用三德其數  
三 七用稽疑其數七 八用庶徵其數五 九用  
五福六極其數共十有一積算至五十也又曰一而

曰極大衍所虛之太極也

九宮

洛書

一白正北 二黑正西 三碧正東 四綠正南 五黃中宮 六白正西 七赤正南

八白正北 九紫正南

九宮九星

黃帝九宮經鄭注乾鑿度太一行九宮始坎次坤終離以陽出以陰入陽起子陰起午

天蓬

太乙坎水白

天內

攝提坤土黑

天衝

軒轅震木碧

天輔

招搖巽木綠

天禽

天符中土黃

天心

青龍乾金白

天柱

咸池兌金赤

天任

太陰艮土白

天英

天乙離火紫

三同二異

數與位皆三同而二異蓋陽不可易而陰可易成數雖陽固亦生之陰也

河圖其下一點天一之象也 其上一點地二之象

也 其左一點天三之象也 其右一點地四之象

也 其中一點天五之象也 洛書其下一點亦天

一之象也 其左一點亦天三之象也 其中一點

亦天五之象也 其右一點則天七之象也 其上

一點則天九之象也

二圖同異

朱子謂先天乃伏羲本圖非康節所作太極却是濂溪自作太極終在先天範圍之內

論格局則太極不如先天之大而詳 論義理則先

天不如太極之精而約

讀書紀數略  
卷一  
理氣類

讀書紀數略第二卷目錄

天部

象緯類

天五號

淮南子九天

太元九天

九垓

九關

八紘

九解

六幽

二極

五位

三所

五紀

五物

六物

讀書紀數略

卷一 目錄

懺花盒



九紀

七政

七曜

三光

陰陽三精

兩曜

天地二精

天地二司

日月二神

日月二會

日月二門

離坎二象

日月出入二山

日出入十六所

日出入十六名

日六名

日五色

陽精五色

十輝

兩兒辯日

日月行四陸

月行九道

三五盈闕

一月盈虛納甲法

月五明

五星

五星推步

五星精

二十八宿

歲星太歲跳辰年數

北極五星

三垣

三大辰

大火三星

五帝座

五諸侯

少微四星

四宮

四中星

太微垣東藩四星

西藩四星

南藩二星

紫微垣東藩八星

西藩七星

三台

泰階六符

文昌六星

北斗七星

南斗六星

東西二星

三五在東

軒轅星主十四氣

八穀八星

天倉星七占

五車

三柱

河鼓三星

風雨二星

起風四宿

三客星

六瑞星

孛彗長三星

五彗

七列

七同

天漢二道

天九野

五星分野

北斗七星分野

二十八宿分野

十干十二支分野

庶徵

天地五德

五氣

六氣

天二氣

風二氣

四風

四正風

四時風

四信風

浙海三哨

八音八風

十二風

呂氏春秋八風

元日八風

五風

三雨

二漏天

五雲

雲五色三色

八節占雲

十二地雲

覆車五雲

三素雲

雲七德

雷公諸神所在

四方電光

五色露

五色霧

諸家雪

五烟

二氣

讀書紀數略第二卷

泰州 宮夢仁 定山 編纂

山陰 宋澤元 瀛士 校刊

天部

象緯類

天五號 周禮疏

尊而君之曰皇天 元氣廣大稱昊天 仁覆愍下

稱旻天 自上監下稱上天 據遠視之稱蒼天

淮南子九天

皞天 東方 陽天 東南 赤天 南方 朱天 西南 成天 西方 幽天 西北 元天

讀書紀數略 卷二 天部 一 惟花盒

北變天東鈞天中央

太元九天揚雄以元首為天名八十一首周九天

中天 羨天 從天 更天 晬天 廓天 滅天

沈天 成天

九垓司馬相如傳上暢九垓郊祀歌九閎亦垓也

九重之天○淮南子九陔之上謂九天

九關離騷虎豹九關注

天門九重虎豹守之○揚雄傳騰九閎注九天之門

八紘淮南子亦曰八鴻

天之八維

九解同上

八方 中央

六幽唐紀光照六幽注

上 下 四方

二極王蕃論

北極天樞 南極老人○北極去地上三十六度南

極入地亦三十六度嵩高正當天之中極南五十五

度當嵩高之上又其南十二度為夏至之日道又其

南二十四度為春秋分之日道又其南二十四度為

冬至之日道

讀書紀數略 卷二 象緯類

五位 周語武王伐殷歲在鶉火張月在天駟房日在析木之津箕辰在斗柄星在天竈辰星元枵

歲 月 日 星 辰

三所 詩疏謂五物在三處章昭逢公所馮周分野后稷之說非也

星日辰在北 歲在南 月在東

五紀 洪範

歲 序四月定晦日正躔星辰經星曆數步占之法 ○左傳

天以七紀注謂二十八宿每面各七

五物 周禮保章氏司天文之變以詔救政

志日月星辰之變動 辨九州星土之封域 觀十

有二歲之相 辨五雲之物 察十有二風

六物 左傳六物不同

歲 星時四時日月星八宿辰十二

九紀 周書亦曰九星

辰以紀日 宿以紀月 日以紀德 月以紀刑

春以紀生 夏以紀長 秋以紀殺 冬以紀藏

歲以紀終

七政 馬融注日月五星各異政漢志曰七元

一主日法天 二主月法地 三火熒惑 四土填 五水

辰 六木歲 七金太白 ○書大傳天地人四時為七政

七曜 亦曰七正

讀書紀數略

卷二 天部 象緯類

三 懺花盒

日月木火土金水○術家增月字紫

悉羅睺計都四餘星為十一曜

三光左傳曰三辰漢贊曰三精揚雄賦曰三靈黃庭內經曰三元

日月星○漢書三辰日合於天統月合於地統

斗合於人統

陰陽三精淮南子

積陽之熱氣生火火氣之精者為日 積陰之寒氣

生水水氣之精者為月 日月之淫為精者為星辰

兩曜張衡賦注曰二紀傅長虞詩曰二離

日太陽月太陰之精

天地二精援神契天地至貴精不兩明注

天精為日 地精為月

天地二司老子歷藏中經

日為司徒姓張名表字長史 月為司空姓文名申字子光

日月二神七聖記

鬱華赤文與日同居 結鄰黃文與月同居○黃庭

經鬱儀奔日之仙結璘奔月之仙

日月二會大衍星分圖

五月午日日月會於鶉首 八月酉日日月會於壽

星

日月二門朱子一氣而春夏秋冬一月而晦朔弦望一日而晝夜行度莫不由乎左右之門極贊坎

離功用之大也

卯為日門太陽所生天地開物始於寅至卯而門闢酉為月門太陰

所生天地閉物始於戌至酉而門闢

離坎二象

離為日之正體日陽象陽中含陰離二陽在外一陰居中坎為月之正體

月陰象陰中含陽坎二陰在外一陽居中

日月出入二山山海經在大荒中

鞠陵之山日月所出 常陽之山日月所入

日出入十六所淮南子

出於暘谷浴於咸池拂於扶桑東方之野登於扶桑 至

於曲阿山曲臨於會泉東方多水之地次於桑野 臻於衡

陽 對於昆吾南方之正靡於烏次西南方山至於悲谷西南方大

壑 回於女紀西方陰地經於淵虞 頓於連石西北方至於

悲泉 薄於虞泉 淪於蒙谷北方山入於崦嵫亦曰落棠

山一本無此句

日出入十六名同上

晨明 朏明將明也旦明 早食 晏食 禺中 正

中 小遷一作還日晡時 大遷一作高春時加戌

時也丁春將欲冥下懸車日乘車駕六龍義和御之至此而回也黃昏



言書紀數略 卷二 象緯類

定昏 桑榆 言其光在桑樹上 一本無此句 廣雅日光曰景日影

日晷日初出曰旭 昕曰晞 溫曰煦 在午曰亭午 在未

日昃 晚曰旰 將落日晡 日西落光反照於東 在上曰

反景 在下曰倒景

日六名 雲笈七籤

東華真人呼為紫曜明 亦名圓珠 九天真人呼為濯曜羅

三天真人呼為圓光蔚 上清真人呼為九曜生

泰清天中呼為太明 太極天中呼為圓明

日五色 斗威儀

政太平日五色 政公平日黃中而赤暈 政和平

日黃中而黑暈 政象平日黃中而白暈 政升平

日黃中而青暈

陽精五色 易傳日者衆陽之精以象人君不可一色名也

精精似青 翼翼似黑 元元似赤 縞縞似白

煌煌似黃

十輝 日傷氣也 周禮 既 禘 掌十輝之法 以觀妖祥 辨吉凶

禛 日傷陰象 陰氣附日 鑄氣橫刺 監氣抱日 闇氣閉

晦 氣相侵象 凝結成象 鑄於日中 監如冠珥 闇日晝

兩兒辯日 列子兩小兒辨日 遠孔子見之不能決

一曰日初出大如車輪 及其中纔如盤盂 此不為遠

讀書紀數略 卷二 天部 六 懺花盒

者小而近者大乎 一曰日初出滄滄涼涼及其中  
有如探湯此不為近者熱而遠者涼乎

日月行四陸

春東陸 夏南陸 秋西陸 冬北陸

月行九道

漢天文志日月之行有遲有速因其所行各以一色名之別算位而已非真有所謂道也

青道二

出黃道東 赤道二 出黃道南 白道二 出黃道西 黑道二 出黃道北

并黃道為九道

日有中道月有九行中道者黃道也一日光道

三五盈闕

禮運

月三五而盈

朔始與日合三日而明生八日而望上弦其光半十五日而望其光滿

而闕

既望漸虧二十二日而下弦其虧半三十日而晦其光盡

○漢志日舒月速

當其同謂之合朔近一遠三謂之弦衡分天中謂之

望光盡體伏謂之晦○釋名晦灰也朔蘇也弦一苟

曲一苟直若張弓弦也望日在東月在西遙相望也

○書大傳朔而月見東方謂朏晦而月見西方謂朏

承大月月生二日謂朏承小月月生三日謂魄

一月盈虛納甲法

八卦配五行之義本於月變易之義位無戊己蓋居中央壬癸天地之

元根離得乾外陽故配乾之外壬坎得坤外陰故配坤之外癸

晦朔會於乙癸為坤象

坤納乙癸

三日朏而出於庚為震

象

震納庚

五日上弦而見於丁為兌象

兌納丁

七日盈於

甲壬為乾象

乾納甲壬

既盈而生魄退於辛為巽象

巽納辛

八日下弦消於丙為艮象艮納 七日復與日會於辰

次之所而為坤象 坎納戊水流月 離納巳火就日

月五明斗威儀

政太平月多曜 政公平月赤明 政和平日黑明

政象平日白明 政升平日青明

五星亦曰五緯張子云五行之精氣也黃庭內經曰五靈

歲東方仁木 熒惑南方火 太白西方金

辰星北方智水 鎮星中央信土 季○天文志五

星色黃圓則吉同色則天下偃兵五穀繁昌

五星推步

金星一日移一度一月移一宮一歲一周天 木星

十二日移一度一歲移一宮十二歲一周天 水星

一日移一度一月移一宮一歲一周天 火星二日

移一度二月移一宮二歲一周天 土星二十八日

移一度二十八日移一宮二十八年一周天○凡周

天三百六十五度四分度之一一度為千九百三十

二里日一日行一度月一日行十三度十九分度之

一○胡安定云人一呼一吸謂之一息一息之間天

行八十餘里人之一晝一夜有萬三千六百餘息是

故一晝一夜而天行九十餘萬里

五星精晉書凡五星盈縮失位其精降於地為人吉凶之應隨其象告

歲星為貴臣 熒惑為兒童歌謠嬉戲 填星為老人婦女

太白為壯夫處於林麓 辰星為婦人

二十八宿周天三百六十五度四分度之一列布二十八宿以定天位周禮曰位史記曰舍

角木龍氏貉房兔心狐尾火箕水斗木牛女土

虛日鼠危燕室火猪壁水奎木狼婁金狗胃土昂日雞畢月鳥觜火

參水後井犴鬼羊柳土星馬張鹿翼蛇軫水 自角至

箕為東方蒼龍之體凡七十五度自斗至壁為北方

元武之體凡九十八度四分度之一自奎至參為西方

白虎之體凡八十度自井至軫為南方朱雀之體

凡一百一十二度。月令正義二十八宿之外上下

東西各萬五千里為四遊之極曰四表

歲星太歲跳辰年數周禮保章氏以十二歲之相觀天

歲星為陽右行於天 太歲為陰左行於地十二歲

而小周。三統歷法謂歲星一歲移一辰一百四十

四年跳一辰千七百二十八年一大周十二跳辰

北極五星星占極橫互在中不動謂之天樞太乙如人主北極如帝都天樞則指朝廷人主所在也

北辰是北極五星中第三星之旁天壤處天之樞紐也其小星則為極星所謂太乙也

一為太子 二為大帝 三為庶子 四為後宮

五為天樞

三垣 天象之間有此三垣三垣四十七星中一百四十八星外一百三十五星

紫微中垣 十五星在天中 太微上垣 十星在翼軫北 天市下垣 二十星

在房心東北

三大辰 公羊傳大火與伐天以示時早晚天下取正故謂大辰鄉飲酒義注曰三光天政教所出

大火 心 伐 北極

大火三星 即心星

中星 明堂天子位 前星 太子 後星 庶子

五帝座 開元禮

一在紫微宮 一在大角 一在太微宮 一在心 一在天市垣

五諸侯 五星在東井北常為帝定疑議

帝師 或曰帝心 帝友 三公 博士 太史

少微四星 在太微西南北列士大夫之位也明大而黃則賢人舉

第一處士 第二議士 第三博士 第四大夫

四宮 二十八舍一百六十八星 四宮 二十八座一千一百三十六星

朱鳥 南宮 蒼龍 東宮 元武 北宮 白虎 西宮

四中星 堯典正義總謂二十八宿或以象言鳥也或以次言火也或以星言虛昴也

日中星鳥 春分南方朱鳥七宿之鶉火昏中 日永星火 夏至東方蒼龍七宿之大

火昏 中 宵中星虛 秋分北方元武七宿之虛星昏中 日短星昴 冬至西方白虎

七宿之昴星昏中

太微垣東藩四星

漢志垣內十星

上相

南第一星

次相

北東太陽門第二星

次將

北中華東門第三星

上將

北東太陽

門第四星

西藩四星

同上

上相

南第一星

次將

北西太陽門第二星

次相

北中華西門第三星

上相

北西太陽

門第四星

南藩二星

同上中二星間曰端門東曰左掖門西曰右掖門

東左執法

廷尉之象

西右執法

御史大夫之象

紫微垣東藩八星

同上垣內十五星近間闔門

第一左樞

第二上宰

第三少宰

第四上輔

第五少輔

第六上衛

第七少衛

第八上丞

西藩七星

同上

第一右樞

第二少尉

第三上輔

第四少輔

第五上衛

第六少衛

第七少丞

三台

晉志三台六星兩兩而居起文昌列抵太微一曰天柱三公之位在天為三台主開德宣符也

西近文昌二星

曰上台

司命為太尉主壽

次二星

曰中台

司

為司徒主宗室

東二星

曰下台

司祿為司空主兵

○又曰三台

天階

太乙躡

以上下一曰泰階

泰階六符

漢藝文志兩兩成體三台故六觀色以知吉凶故曰符

上階

上星為天子星

中階

上星公侯下星大夫

下階

上星元士下星庶人

文昌六星

天官書在北斗魁前天之六府也主集計天道光色明潤大小均齊則天瑞臻百職理

一上將

大將軍建威武

二次將

尚書正左右

三貴相

太常理文緒

四司

祿司中

司隸賞功進爵

五司命司怪

太史主滅咎

六司寇

大理佐理寶

北斗七星

運斗樞天樞得則景星見衡星得則麒麟生萬人壽

一天樞

主天

二璇

主地

三璣

主人

四權

主時

律七搖光

主星

一至四為魁五至七為杓合為斗居陰

布陽故稱北魁衡杓謂之斗綱如建寅之月昏則杓

指寅夜半衡指寅平旦魁指寅是也○石氏一正星

主陽德天子之象二法星主陰刑女主之位三金星

主禍福四伐星主天理五殺星主中央盼四旁殺有

罪六危星主天倉五穀七部星亦曰應星主兵○元

門寶海經北斗亦有九星七見二隱其八曰洞明九

曰隱元是帝皇太尊精神也

南斗六星

漢志貫於日月正道為丞相太宰酌量政事褒進賢良稟受爵祿又主兵亦為壽星天子

之事占於南斗

南二星魁天梁 中二星天相 北二星天府庭

東西二星

皆金星也以其先日而出故謂啓明以其後日而入故謂長庚

東有啓明 西有長庚

三五在東

詩注疏

三心

心三星

五噉

柳五星

軒轅星主十四氣

七星北黃帝之神黃龍之體張衡云主雷雨神後宮之象星小而黃明吉

陰陽交合盛為雷 微為電 和為雨 怒為風

亂為霧 凝為霜 散為露 文為雲 互為虹霓

離為背裔 分為抱珥

八穀八星

天文志或曰八穀在紫微西藩外明則八穀皆成暗則不熟一星不見八穀不登八星不見

見國人

一主稻 二主黍 三主大麥 四主小麥 五主

大豆 六主小豆 七主粟 八主麻子

天倉星七占

六星在婁南倉穀所藏也西南三星曰天庾積粟之所占與天倉同

星黃相近則歲大熟 開則饑 中多小星則穀多

少則虛耗 明則豐 暗則歉 不見則大饑

五車

張衡云在畢東北天子兵車舍也

西北角大星天庫

主太白

次東北星天獄

主辰星燕

中央星

司空

主鎮星楚

次東南星天倉

主歲星魯衛

次西南星卿

主熒惑魏

三柱

九星在五車中車之柱也天子得靈臺之禮則五車三柱均明也變則各以其國占之

一曰三泉 一曰休 一曰旗

河鼓三星

荆州星占在牽牛北天鼓也主軍鼓及鉄鉞一曰三武明大吉移動兵起直則將有功曲

則將失律

中央星大將軍 左星左將軍 右星右將軍

風雨二星

洪範注



箕好風月與箕會則風畢好雨月與畢會則雨

起風四宿孫子火攻擇之謂月所在

箕 壁 翼 軫

三客星天文志其精皆為星命曰客星

一曰老子李耳也有德而壽二曰國星國皇也不知何國人三曰溫星

溫其姓古之有操行而不仕者也

六瑞星乾象新書

景星 周伯 含譽 格澤 歸邪 天保

孛彗長三星文獻通考其占略同而其形少異大率孛彗星為除舊布新火災長星為兵革事

孛星光芒短其光四出蓬蓬孛孛然 彗星光芒長

參參如掃帚 長星光芒直指或竟天或十丈或三丈二丈無常也

五彗鉤命決注

蒼則苦兵 赤則賊起 黃則女色 白則軍逆

黑則水決賊起

七列周語自鷄及駟注鷄火之分張十三度天駟房五度歲月日之所在從張至房七列合七宿之位

張 翼 軫 角 亢 氐 房

七同同上南北之揆注歲在鷄火午辰星在天龍子自午至子其度七同合七律也

午 未 申 酉 戌 亥 子○詩七襄也駕經星

一晝一夜左旋一周而有餘終日之間自卯至酉當

更七次

天漢二道

晉志天漢起東方經箕尾間謂之天河亦謂漢津隨天轉入地中

一經南斗中過 一經北斗中過

天九野

呂氏春秋

中央鈞其星角亢氐 東方蒼其星房心尾 東北

變其星箕斗牽牛 北方元其星婺女虛危營室

西北幽其星東壁奎婁 西方灝其星胃昂畢 西

南朱其星觜籥參東井 南方炎其星輿鬼柳七星

東南陽其星張翼軫

五星分野

通鑑地理通釋

歲星主齊吳 熒惑主楚越 鎮星主王子 太白

主大臣 辰星主燕趙 ○漢志注星經歲星主泰山

徐青兗熒惑主霍山揚荆交鎮星主嵩豫太白主華

陰山涼雍益辰星主常山冀幽并 ○天官書秦候太

白占狼弧吳楚候熒惑占鳥衡燕齊候辰星占虛危

宋鄭候歲星占房心晉亦候辰星占參罰 ○又東南

為陽日歲星熒惑填星占於街南畢主之西北為陰

月太白辰星占於街北昴主之

北斗七星分野

同上

雍主樞 冀主璇 青兗主璣 揚徐主權 荆主

衡 梁主開陽 豫主搖光○文耀鉤雍屬魁冀屬  
樞兗青機徐揚權荆衡梁開豫搖○天官書杓自華  
以西南衡殷中州河濟之間魁海岱以東北○唐志  
杓以治外故鵠尾為南方負海之國魁以治內故陝  
訾為中州四戰之國

二十八宿分野同上

角亢氏兗州鄭分 房心豫州宋分 尾箕幽州燕  
分 斗牛女揚州吳越分 虛危青州齊分 室壁  
并州衛分 奎婁徐州魯分 胃昂畢冀州趙分  
觜躄參益州魏分 井鬼雍州秦分 柳星張三河

周分 翼軫荆州楚分

十干十二支分野淮南子

甲齊 乙東海 丙楚 丁南蠻 戊魏 己韓  
庚秦 辛西戎 壬衛 癸越 子周 丑翟 寅  
楚 卯鄭 辰晉 巳衛 午秦 未宋 申齊  
酉魯 戌趙 亥燕○天官書甲乙四海之外丙丁  
江淮海岱戊己中州河濟庚辛華山以西壬癸常山  
以北

庶徵洪範在天為五行在人為五事修則休徵  
各以類應失則咎徵各以類應史記五是

雨木肅 春 暘 金 秋 燠 火 夏 寒 水 冬 風 土 中 ○吳徠曰雨

水陽火燠木寒金○蘇子由曰雨土暘金燠木寒水  
風火

天地五德 周世宗觀泗州大水記  
寶儼謂天地有五德

潤 曠 生 成 動

五氣 荀爽曰五體  
咸備是也

溫 木氣陽 中陰 涼 金氣陰 中陽 寒 水氣陰 中陰 燥 火氣陽 中陽 溼 土氣居 二氣中

六氣 左傳天有六氣降生五味發為五色徵為五聲金  
辛白商木酸青角水醜黑羽火苦赤徵土甘黃宮

陰 金 變 陽 不 變 風 土 雨 木 晦 水 明 火 ○素問以寒暑燥溼

風火為陰陽之六氣○莊子御六氣之辯注平旦為  
朝霞日中為正陽日入為飛泉夜半為沆瀣併天元

地黃也

天一氣 黃帝  
風經

調暢祥和天之喜氣 折揚奔厲天之怒氣

風二氣 物理論風者陰陽  
亂氣激而起者也

怒則飛沙揚礫發屋拔樹 喜不搖枝動草順物布

氣

四風 爾雅

南為凱風 東為谷風 北為涼風 西為泰風○

風俗通猛風曰颯涼風曰飈微風曰飈小風曰颯

四正風 物理論

續書記攷俗

卷二 天部

七

懺花盒

春氣溫其風和 夏氣盛其風燥 秋氣勁其風清

冬氣實其風慘

四時風 郎仁寶云

春之風自下而上紙鳶因之以起 夏之風橫行空

中故樹杪多風聲 秋之風自上而下木葉因之以

隕 冬之風著土而行故吼地而生寒

四信風 江淮船汭流而上常待東北風日信風

七八月土信 三月鳥信 五月麥信

浙海三哨 每年六七八月十一二月風漸險惡正月二

初哨以三月 二哨以四月 三哨以五月 小陽

汛亦慎防之

八音八風 樂記八風從律而不姦

艮風 即條風立春 震風 即呀庶風春 巽風 即清明

木音姑 離風 即景風夏至 坤風 即法風立秋 兌風

洗中呂 乾風 即不周風立冬 坎風 即廣莫風冬

分金音南呂 石音無射應鐘 坎風 至革音黃鐘

○淮南子注條為笙明庶為管清明為祝景為弦涼

為墳閭闔為鐘不周為磬廣莫為鼓

十二風 周禮保章氏以察天地之和王氏謂風之生於十二辰者

震離坤兌四方 乾坤艮巽四維 四維之風各主

兩月 艮條風而立春亦條巽清明風而立夏亦清明

坤涼風而立秋亦涼乾不周風而立冬亦不周

賣書紀數略

卷二 天部

式

懺花盒

呂氏春秋八風

東北融 東滔 東南景 南薰 西南巨 西颺

西北厲 北寒

元日八風 漢魏以元日占候決之

南方大旱 西南小旱 西方有兵 西北豆成

北方中歲 東北上歲 東方大水 東南病疫

五風 釋氏書日月宮城乃五風所持環照四天下

持 養 受 轉 調

三雨 尸子神農治天下欲雨則至萬物咸利故謂神雨

五日為行雨 旬為谷雨 旬五日為時雨

二漏天 寰宇記戎州宜賓縣有大黎小黎二山朝暮雲霧四時霑霖古詩地道漏天終歲雨是也

大漏天 小漏天

五雲 周禮保章氏注二至二分觀雲色降其祲祥使人預知而為備也

青 為蟲 白 為喪 赤 為荒 黑 為水 黃 為年 ○黃帝以五雲紀官

春官青雲夏官縉雲秋白冬黑中黃

雲五色三色 春秋繁露太平之世

五色為慶 三色為禱

八節占雲 通卦驗

冬至初陽雲出箕如樹之狀 立春少陽雲出房如

積水 春分正陽雲出軫如白鵠 穀雨太陽雲出

張如車蓋 立夏初陰雲出背赤如硃 夏至少陰

雲出參如水波 寒露正陰雲出井如冠纓 霜降

太陰雲出鬼上如羊下如礮石

十二地雲 呂氏春秋雲出地氣地氣異矣故雲之成象亦異

韓雲如布 趙雲如牛 楚雲如日 宋雲如車

魯雲如馬 衛雲如犬 周雲如車輪 秦雲如行

人一作美人魏雲如鼠 齊雲如絳衣 越雲如龍 蜀

雲如困倉

覆車五雲 東方朔傳凡占長吏下車

黃雲覆車五穀大熟 青雲致兵 白雲致盜 黑

雲多水 赤雲有火

三素雲 修真祕言立春清明日北望有此為三元君三素雲

紫 綠 白

雲七德 法華經

含水 電光 雷聲 歡喜 掩蔽 普覆 清涼

雷公諸神所在 甘氏星經雷公電姥雲將雨師霹靂斧吏皆北方水精姬訾為天門其神棲焉

雷電在室南 霹靂在雷電南 雲雨在霹靂南

斧吏在壁西南

四方電光 起世經

東方有電名無厚 南方有電名順流 西方有電

言言糸夢四 卷二象緯類 三

名墮光明

北方有電名百生樹

無厚與墮光明相觸相對順流與百

生樹相觸相對故虛空雲聚之中出生大明名曰電光

五色露 皆露之異者

朱丹 元 青 黃

五色霧

紫 赤 青 白 黃

諸家雪 劉貢父有諸家雪詩

侯家 山家 酒家 妓家 獵家 樵家 漁家

五烟

青 冬至甲子木 黃 戊子土用 白 庚子金用 赤 丙子火

烟 赤黑 王子水用 事故烟黑

二氣 文子陰陽相干二氣也邪氣干則生病或曰虹者攻也純陽攻陰氣也

天二氣則成虹 地二氣則洩藏 人二氣則生病



讀書紀數略第三卷目錄

天部

歲時類

四天

迎氣五郊

五方天帝

五帝

五神

一氣別為四

二至二分日景

二至

日至二山

四時

四時成歲

四時序事

四時取火

四時別號

四氣

四德

四選

四府

氣盈朔虛之數

三時

五時

八節

二十四氣

七十二候

十歲陽

十二歲陰

十月陽

十二月名

十二月律

十二月卦

十二月中星

十二會

軒轅十二次

十二月建

建除十二辰

十二宮分

十二時

六時

百度

三統

三正

三微

三長月

三令節

三朔

五際

三朝

四始

四君候

三伏

祖臘二日

三代臘日

三儺

冬三至

冬三極

三餘

五夜

三澣

浹旬浹辰

甲庚三日

六日

七日來復

一之日二之日七月九月

元日元辰

天運三變

三古

萬物三歲而發

百六陽九

讀書紀數略第三卷

泰州 宮夢仁 定山 編纂

山陰 宋澤元 瀛士 校刊

天部

歲時類

四天爾雅

春為蒼天言其色蒼蒼然生萬物也 夏為昊天言其氣皓肝也 秋為[夏]天

言其情愍萬物凋落也 冬為上天言其時無事位上臨下而已

迎氣五郊祭祀志永平中采元始故兆五郊於雒陽中兆

迎春東郊立春祭青帝句芒車服皆青歌青陽八佾舞雲翹之舞 迎夏南郊立

讀書紀數略

卷三天部

鐵花盒

祭赤帝祝融皆赤歌朱明舞雲翹迎黃靈於中兆先立秋十八日祭黃帝后土皆黃歌

朱明舞雲翹立秋祭白帝蓐收皆迎秋西郊白歌西皓舞育命迎冬北郊

立冬祭黑帝元冥皆

黑歌元冥舞育命

五方天帝五帝座主五星俱在太微垣中夾黃帝而坐東方青帝靈威仰 南方赤帝赤熛怒 西方白帝

白招拒 北方黑帝汁音叶光紀 中央黃帝含樞紐

○大宗伯祀昊天上帝注以天皇大帝為北辰耀魄

寶六天之說出於緯書

五帝月令謂五人帝以配五方天帝

太皞春炎帝夏黃帝中少皞秋顓頊冬

五神同

句芒春祝融夏后土中蓐收秋元冥冬

一氣別為四

春為陽始陽始溫溫生物 夏為陽極陽極熱熱長

物 秋為陰始陰始涼涼收物 冬為陰極陰極寒

寒殺物

二至二分日景周禮馮相氏以土圭立表冬夏至日春秋致月

夏至景尺五寸日南陸躔東冬至景丈三尺日北陸躔牽牛

景長多寒此長短之極故言至也春分秋分景七尺三寸六分春分日西

陸躔婁而月上弦於東井下弦於牽牛景朝多陰秋分日東陸躔角而月上弦於牽牛下弦於東井景夕

多風此長短之中故言分也

二至淮南子

夏日至陰乘陽

書者陽之分陽氣勝則日修而夜短

冬日至陽乘陰

夜者

陰之分陰氣勝則日短而夜修

日至二山同上

冬至駿狼之山

南極山

夏至牛首之山

北極山

四時一歲十二月分為四時

春

正月孟春二月仲春三月季春為三春屬木

夏

四孟五仲六季為三夏屬火

秋

七孟八仲

九季為三秋屬金

冬

十孟十一仲十二季為三冬屬水

○尚書五辰即木火

金水旺於四時而土寄旺於四季也

四時成歲元命苞

冬至百八十日春夏成

夏至百八十日秋冬成

合三百六十日而歲數舉○周禮太史正歲年以序

事注中數曰歲

十二月中氣一周三百六十五日四分日之一

朔數曰年二十

月朔一周三百五十四日

四時叙事周禮馮相氏

春東作

夏南訛

秋西成

冬朔易

四時取火司權掌四時變國火

春取榆柳之火

夏取棗杏之火

季夏取桑柘之

火 秋取柞櫜之火

冬取槐檀之火

四時別號

爾雅四時和為通正注  
尸子以為太平祥風

春為發生

夏為長嬴

秋為收成

冬為安寧

四氣

同上四氣和  
謂之玉燭

春為青陽

夏為朱明

秋為白藏

冬為元英

四德

春秋  
繁露

春德風

風不信則花萼不  
茂發生之德廢

夏德暑

暑不信則草木不  
長長嬴之德廢

秋德雨

雨不信則百穀不  
實收成之德廢

冬德寒

寒不信則水土不  
堅安寧之德廢

四選

同上四時者  
天之四選

春者少陽之選

秋者少陰之選

夏者太陽之選

冬者太陰之選

四府

皇極經世書昊天四  
府春夏秋冬之謂也

春為生物之府

夏為長物之府

秋為收物之府

冬為藏物之府

氣盈朔虛之數

朱子曰歲有十二月月有三十  
日三百六十日者歲之常數也

日與天會而多五日九百四十分日之二百三十五

者為氣盈 月與日會而少五日九百四十分日之

五百九十二者為朔虛

三時

左傳三時  
不害注

春

夏

秋○又三時務農一時講武

一時謂  
冬也

五時

漢儀讀  
五時令

讀書記文略

卷三 天部

四

蠶花盒

立春 立夏 大暑 立秋 立冬

八節 史律書八正之氣

立春 春分 啓 立夏 夏至 陽極 立秋 秋分 閉 立

冬 冬至 陰極

二十四氣 十五日為一氣二氣為一年

立春 正月 雨水 中 驚蟄 二月 春分 中 清明 三月 穀雨

立夏 四月 小滿 中 芒種 五月 夏至 中 小暑 六月 大

暑 中 立秋 七月 處暑 中 白露 八月 秋分 中 寒露 九月

霜降 中 立冬 十月 小雪 中 大雪 十一月 冬至 中 小寒 十二

節大寒 中 ○漢初啓蟄止月中雨水二月節三統歷

穀雨三月節清明三月中後俱改

七十二候 五日為一候六候為一月七十二候為一年

見周公時訓後魏始載於歷呂氏春秋十二紀禮記取為月令其上則見於夏小正

東風解凍 蟄蟲始振 魚上冰 獺祭魚 候鴈

北 草木萌動 正月 桃始華 倉庚鳴 鷹化為鳩

鳧鳥至 雷乃發聲 始電 二月 桐始華 田鼠

化為鴛 虹始見 萍始生 鳴鳩拂其羽 戴勝

降於桑 三月 蟻蟬鳴 蚯蚓出 王瓜生 苦菜秀

靡草死 麥秋至 四月 螳螂生 鵙始鳴 反舌

無聲 鹿角解 蜩始鳴 半夏生 五月 溫風至

蟋蟀居壁 鷹乃學習 腐草為螢 土潤溽 大

雨時行六月六候涼風至 白露降 寒蟬鳴 鷹乃祭

鳥 天地始肅 禾乃登七月六候鴻雁來 鴛鳥歸

羣鳥養羞 雷乃收聲 蟄蟲坯戶 水始涸八月六候

鴻雁來賓 雀入水為蛤 菊有黃華 豺祭獸

草木黃落 蟄蟲咸俯九月六候水始冰 地始凍 雉

入水為蜃 虹藏不見 天氣上騰地氣下降 閉

塞成冬十月六候鶡旦不鳴 虎始交 荔挺出 蚯蚓

結 麋角解 水泉動十一月六候鴈北鄉 鵲始巢

雉雊 雞乳 征鳥厲疾 水澤腹堅十二月六候

十歲陽爾雅

太歲在甲曰闕逢 乙曰旃蒙 丙曰柔兆 丁曰

彊圉 戊曰著雍 己曰屠維 庚曰上章 辛曰

重光 壬曰元默 癸曰昭陽○史記甲曰焉逢乙

曰端蒙丙曰游兆丁曰彊梧戊曰徒維己曰祝犁庚

曰商橫辛曰昭陽壬曰橫艾癸曰尚章

十二歲陰同上

太歲在子曰困敦 丑曰赤奮若 寅曰攝提格

卯曰單闕一作單安 又蟬焉辰曰執徐一作除巳曰大荒落史

芒 駱 午曰敦牂 未曰協洽史作叶 又作汗申曰涒灘 酉曰



作噩史作鄂 戌日闞茂史作掩漠 亥日大淵獻

十月陽同上

在甲日畢 在乙日橘 在丙日修 在丁日圉

在戊日厲 在己日則 在庚日室 在辛日塞

在壬日終 在癸日極

十二月名周禮砮蒺氏書十有二月之號是也

正月為陬 二月為如 三月為宿 四月為余

五月為臯 六月為且 七月為相 八月為壯

九月為元 十月為陽 十一月為辜 十二月為塗

○正月得甲日畢陬二月得乙日橘如三月得丙

日修宿四月得丁日圉余五月得戊日厲臯六月得

己日則且七月得庚日室相八月得辛日塞壯九月

得壬日終元十月得癸日極陽十一月得甲日畢辜

十二月得乙日橘涂周而復始

十二月律陽月為律陰月為呂故曰六律六呂

正月太簇 二月夾鐘 三月姑洗 四月中呂

五月蕤賓 六月林鐘 七月夷則 八月南呂

九月無射 十月應鍾 十一月黃鍾 十二月大

呂

十二月卦

續書記教略

卷三 天部

七

懺花盒

正月泰乾九三三陽二月大壯乾九四四陽三月夬乾

陽五五四月乾乾上九六陽五月姤坤初六一陰六月

遯坤六二二陰七月否坤六三三陰八月觀坤六四四陰九

月剝坤六五五陰十月坤坤上六六陰十一月復乾初九一陽

陽始生十二月臨乾九二二陽

十二月中星月令言昏旦所中書言分至所中朱子

孟春昏參旦尾 仲春昏弧旦建星 季春昏七星

旦牽牛 孟夏昏翼旦婺女 仲夏昏氏旦危 季

夏昏火旦奎 孟秋昏建星旦畢 仲秋昏牽牛旦

觜觴 季秋昏虛旦柳 孟冬昏危旦七星 仲冬

昏東壁旦軫 季冬昏婁旦氏

十二會月令注

孟春陬訾日在營室仲春降婁日在奎季春大梁日在胃孟夏

實沈日在畢仲夏鶉首日在東井季夏鶉火日在柳孟秋鶉尾

日在翼 仲秋壽星日在角季秋大火日在房孟冬析木日在尾

仲冬星紀日在斗季冬元枵日在婺女

軒轅十二次世紀黃帝受命推分星次以定律度

自斗十一度至婺女七度一名須女日星紀之次於

辰在丑謂之赤奮若於律為黃鐘斗建在子今吳越

分杼釋名吳虞也太伯讓位封之虞其志也越國度越禮義無所拘也自婺女八度

至危十六度曰元枵之次一名天黿於辰在子謂之

困敦於律為大呂斗建在丑今齊分埜釋名齊齊也地在渤海南

中也渤齊之自危十七度至奎四度曰豕韋之次一名媯

訾於辰在亥謂之大淵獻於律為太簇斗建在寅今

衛分埜釋名衛衛也立武庚為殷後設三監以守衛也自奎五度至胃六度

曰降婁之次於辰在戌謂之闔茂於律為夾鐘斗建

在卯今魯分埜釋名魯魯鈍也國多山水民性樸魯也自胃七度至畢

十一度曰大梁之次於辰在酉謂之作噩於律為姑

洗斗建在辰今趙分埜釋名趙朝也本小邑朝事於大國也自畢十二

度至東井十五度曰實沈之次於辰在申謂之涪灘

於律為中呂斗建在巳今晉魏分埜釋名晉進也其土在北有事於

中國則進而南也又取晉水以為名其水迅進也自井十六度至柳八度曰

鶉首之次於辰在未謂之叶洽於律為蕤賓斗建在

午今秦分埜釋名秦津也其地沃衍有津潤也自柳九度至張十七

度曰鶉火之次於辰在午謂之敦牂一名大律於律

為林鐘斗建在未今周分埜釋名周地在岐山南其山四周也自張

十八度至軫十一度曰鶉尾之次於辰在巳謂之大

荒落於律為夷則斗建在申今楚分埜釋名楚辛也其地人性急

數有戰爭自軫十二度至氏四度曰壽星之次於辰

在辰謂之執徐於律為南呂斗建在酉今韓鄭分埜

釋名鄭田也其地多平町町然也

自氏五度至尾九度曰大火之次

於辰在卯謂之單闕於律為無射斗建在戌今宋分

度至斗十度百三十五分而終曰析木之次於辰在

寅謂之攝提格於律為應鐘斗建在亥今燕分

燕宛也北方沙漠平廣此地在涿鹿山宛然以為國都也

十二月建淮南子以斗柄初昏所指言之

正月招搖指寅 二月指卯 三月指辰 四月指

巳 五月指午 六月指未 七月指申 八月指

酉 九月指戌 十月指亥 十一月指子 十二

月指丑○漢志閏月無中烝斗斜指兩辰之間

建除十二辰同上

如寅為建則 卯為除 辰為滿 巳為平主生午為

定 未為執主陷申為破主衡酉為危主杓戌為成主少德亥

為收主大德子為開主太歲丑為閉主太陰依次直日

十二宮分

寶瓶子磨蝎丑人馬寅天蝎卯天秤辰雙女巳獅子

午巨蟹未陰陽申金牛酉白羊戌雙魚亥

十二時左傳日之數十故有十時亦當十位又曰天有十日人有十等日出禺中闕者尊王公也

夜半子雞鳴丑平旦寅日出卯食時辰禺中巳日中

賈書紀效略 卷三 天部 讖花盒

六時  
壬日 未 晷 申 日入 酉 僚 黃昏 戌 隸 人定 亥 輿

寅 卯 巳 午 申 酉

百度 樂記百度得數而有常注百刻也尚書  
緯謂刻為商士昏禮日入三商為昏

每日十二時 每時八刻二十分 每刻六十分

三統

黃鐘為天統 十一月 林鐘為地統 六月 大簇為人統 正月

三正 三代迭用自漢武帝後皆用夏正建寅為歲首

子為天正 周建 丑為地正 商建 寅為人正 夏建 ○廿

誓怠棄三正謂天地人之正道

三微 三正記不以二月後為正者萬物不齊莫適所統故必以三陰之月也

十一月 陽氣始養根於黃泉之下萬物皆赤赤者盛陽之色也故周為天正色尚赤 十二月

月 萬物始芽而白白者陰氣故殷為地正氣尚白 正月 萬物始孚甲而出皆黑人得加功故夏為人正色

尚黑

三長月 長音丈俗忌此三月不上官

正月 寅 五月 午 九月 戌

三令節 貞元中詔以此三日百寮選勝地追賞為樂

二月一日 中和 三月三日 上巳 九月九日 重陽

三朔

平明 夏用 雞鳴 商用 夜半 周用

五際 詩內傳陰陽終始際會之歲

卯 酉 午 戌 亥

三朝 又曰三始元且也

歲之朝 月之朝 日之朝

四始 漢書四時之始

正月 朔 歲首 立春

四君候 天文志凡候歲嫩惡謹候歲始

冬至日 臘明日 正月旦 立春

三伏 四時代謝皆相生立春木代水水生木立夏火代木木生火立冬水代金金生水立秋金代火火生庚火故遇庚必伏

初伏 夏至後第三庚日 中伏 第四庚日 末伏 立秋後初庚日

祖臘二日 高堂隆議王者各以所行之盛而祖以其終而臘

水行之君子祖辰臘 水始於申盛於子終於辰 火行之君子午祖戌

臘 火始於寅盛於午終於戌 木行之君子卯祖未臘 木始於亥盛於卯終於未 金

行之君酉祖丑臘 金始於巳盛於酉終於丑 土行之君戌祖辰臘

土始於未盛於戌終於辰 ○漢火德 故午祖戌臘 魏土德 故戌祖辰臘 晉金

德 故酉祖丑臘

三代臘日 風俗通臘者獵也獵取禽獸以祭先祖也或曰接也新故交接狎獵大祭以報功也

夏曰嘉平 殷曰清祀 周曰大蜡 ○漢改曰臘

三儼 周禮方相氏

季春命國儺

九門磔禳以畢春氣

仲秋天子乃儺

以達秋氣

季冬命

有司大儺

出土牛以送寒氣下及民庶皆得儺也

冬三至

三禮義宗

陰氣極至

陽氣始至

日行南至

冬三極

晝漏極短

去極極遠

晷景極長

三餘

董遇力學常以三餘讀書

冬者歲之餘

夜者日之餘

陰雨者時之餘

五夜

周禮司寤氏掌夜時注夜有五更亦曰五鼓

甲夜

一更

乙夜

二更

丙夜

三更

丁夜

四更

戊夜

五更

三澣

即上中下三旬蓋本唐制十日一休沐而襲之也

上澣

中澣

下澣

浹旬浹辰

浹周徧也

十日干一周故言浹旬

十二地支一周故言浹辰

甲庚三日

易本義甲日之始事之端也庚更也事之變也

蠱先甲三日

辛也前事過中而將壞則可自新以為後事之端

後甲三日

後事方始而尚新便當

丁寗以監前事之失

巽先庚三日

丁也所以丁寗於其變之前

後庚三日

癸也所以揆度於其變之後

六日

淮南子高誘曰遷六日今年以子冬至後年以午冬至陸倕刻漏銘六日無辨五夜不分

冬至子午

夏至卯酉

冬至加三日則夏至之日也

歲遷六日周

而復始

七日來復 易本義自五月姤而一陰始生至此七爻而一陽來復

姤 午一陰 坤初六 遯 未 否 申 觀 酉 剝 戌 坤 亥 復 子一陽 乾初九

一之日二之日七月九月 王氏詩義四月正陽亦言月陰始於四月生於五月也

七月九月陰生矣則言月 一之日二之日陽生矣

則言日 與易臨至於八月有凶七日來復同意 ○按詩傳一之日周正

月建子也二之日殷正月建丑也三之日夏正月建

寅也四之日周四月夏二月建卯也

元日元辰 南齊禮志亥者辰之末故記稱元辰日吉亥

郊天陽也故以元日祈穀 籍田陰也故擇元辰躬

耕○月令章句日榦也辰支也有事於天用日有事於地用辰

天運三變 天官書

三十年一小變 百年中變 五百年大變○左傳

十二年為一終 一星終也

三古

上古 伏羲時 中古 周文王時 下古 孔子時

萬物三歲而發 越絕書倪計內經

太陰三歲處金則穰 三歲處水則毀 三歲處木

則康 三歲處火則旱



百六陽九 道跡經言

陽九者天旱海涸而陵焦 百六者天水海陸而陵  
 淵○洪景盧續筆云以歷志攷之其名有八初入元  
 百六曰陽九次陰九又次陰七陽七陰五陽五陰三  
 陽三皆謂災歲大率經歲四千五百六十而災歲五  
 十七以數計之每八十歲則值其一則陽九即當承  
 百六而言災歲蓋不止陽九也○攷王湜太乙肘後  
 備檢云凡四百五十六年而一陽九二百八十八年  
 而一百六陽九奇數也為陽數之窮百六偶數也為  
 陰數之窮皆所謂厄會也與景盧所記不同而有理

讀書紀數略第四卷目錄

天部

歷律類

歷代五十七歷

歷五十變

六歷

漢五歷

漢魏三歷

元魏八歷

三家新歷

九家歷

唐二十三家歷

八歷

宋十八歷

六術

歷正五官

三元

歷元三本	歷聖人之德六
歷法四紀	大衍歷十二議
七術	四家歷經
歷注之用六	言天三家
說天六等	春秋日食三十六
三家星官	唐渾儀三重
宋渾儀三器	司天臺渾儀九事
紹聖司天二器	東京四渾儀
刻漏長短數	元祐四刻漏
浮漏四壺	晷漏四法

刻漏四家	地中
------	----

五聲	五音別名
七音	祖孝孫七音
三指定律	三宮
四清聲	六間
七始	七律
十二律	十二律長短相生
十二鐘律	京房六十律
古法七品	漢五量

四器

六矩

六度

五則

黃帝五量

三物

三器

五度

三代尺

尺度十五等

太府寺四等尺

五權

五量

齊四量

讀書紀數略第四卷

泰州

宮夢仁

定山

編纂

山陰

宋澤元

瀛士

校刊

天部

歷律類

歷代五十七歷

黃帝調歷

顓頊歷

虞歷

夏歷

殷歷

周歷

魯歷

皆以四分起數

漢太初歷

鄧平

三統歷

劉歆

四分歷

古法乾

象歷

劉洪

魏黃初歷

韋翊

景初歷

楊偉

晉太始歷

正歷

劉智

春秋長歷

杜預

乾度歷

李修

王顯

東晉通歷

王朔

姚秦三

蠶花盒

紀甲子元姜山宋七曜徐廣元嘉何承天大明李業

祖冲之梁虞劇涼趙歐北魏正光崔光東魏興光李業

興北齊天保宋景業甲寅元劉孝孫張孟

賓甄鸞後周天和明克讓丙寅元同隋

開皇張賓大業張胄元皇極劉焯唐戊寅傅仁麟

德李禧經緯瞿羅曇光宅同乙巳元南宮開

元大衍僧一行九執來自西域至德韓穎寶應五紀郭獻之

建中正元徐承嗣元和觀象徐昂長慶宣明穆宗詔

景福崇元邊綱符天曹士篤石晉調元馬重

五代明元王處訥萬分蜀永昌胡秀王象

歷亦蜀人作南唐齊政陳威五代顯德欽天王朴

歷五十變李心傳朝野雜記

黃帝至秦凡七變漢四百年凡四變魏晉

迄隋後魏後周十六變六不預唐三百年凡九變及五代

元欽天而自建隆迄紹熙二百五十年歷十四變

六史正義歷

黃帝顓頊夏殷周魯○

續漢志黃帝起辛卯顓頊用乙卯虞用戊午夏用

丙寅周用丁巳魯用庚子

漢五歷

顓頊高帝太初武帝三統劉歆四分章帝乾象靈帝

漢魏三宋志三人皆善曆者曆

太初鄧平修舊制新乾象劉洪始減四方定月行遲疾景初楊偉斟酌兩端以立多少

因朔積分設差以推合朔月蝕

元魏八初用魏景初曆後平涼土得趙歐所修元始以代之曆

景初 元始 五寅元 景明 正光 興和 永

安 武定

三家新魏延昌曆

屯騎校尉張洪 盪寇將軍張龍祥 校書郎李業

興

九家總成一曆請名神龜曆

前三家新併曆 盧道虔 衛洪顯 胡榮 沙門

統道融 樊仲遵 張僧繇

唐二十三家曆

漢之太初 三統 四分 乾象 魏之景初一本有黃

初晉之正曆 河西之元始 宋梁陳有元嘉 大

明 大同 七曜 元魏有永安 甲子 武定

若天保 大象 甲寅 甲子元則北齊周曆也

若劉孝孫李德林之開皇 大業 皇極則隋曆也 竝

戊寅 麟德凡二十三家

八歷

戊寅元武德甲子元麟德大衍元開元五紀元寶應正元建中觀

象元和宣明長慶崇元景福○加至德凡九變

宋十八歷

應天建隆乾元太平儀天咸平崇天天聖明天治平奉天熙寧

觀天元祐占天崇寧紀元同統元紹興乾道乾道淳熙淳熙會元會元

熙統天慶元開禧開禧淳祐淳祐會天寶慶成天成天淳

六術晉志黃帝使容成綜斯六術

義和占日 常儀占月 車區占星氣 伶倫造律

呂 大撓造甲子 隸首作算數

歷正五官左傳鄭子曰昔黃帝少皞氏之世鳳鳥適至故為鳥師而自鳥名

鳳皇氏為歷正 元鳥氏司分鳳皇氏也伯趙氏來秋分去

司至伯勞也青鳥氏司啓倉庚也丹鳥氏至來冬至去

司閉鷺雉也正之官去四者皆歷正之官

三元

周以天元 殷以地元 夏以人元

歷元三本三代而下造歷者各有增創

太初起以律而候氣於黃鐘 大衍符以易而較數

於分秒 授時準以晷而測驗於儀象

歷聖人之德六漢志

以本氣者尚其體 以綜數者尚其文 以考類者尚其象 以作事者尚其時 以占往者尚其源 以知來者尚其流

歷法四紀同上

章十九年會二十七章為一會三會八十一章為一統計一千五百九十年元一元計四十六百一十七年章會統元運於無窮○後漢書十九歲為一章至朔同日七十六歲為一節至朔同在日首千五百二十歲為一紀二十章謂之節計四章入十四千五百六十歲為一元三紀計一百四十四章此前後二書之不同也

大衍歷十二議一行

歷本議 中氣議 合朔議 滅沒略例 卦候議  
卦議 日度議 日纏盈縮略例 九道議 晷  
漏中星略例 日蝕議 五星議

七術同上

步中朔術 步發斂術 步日躔術 步月離術  
步軌漏術 步交會術 步五星術

四家歷經

傅仁均 李淳風 南宮說 一行

歷注之用六六典太卜令

大會 小會 雜會 歲會 除建 人神

言天三家

張衡傳注

周髀

晉志曰蓋天

宣夜

渾天 ○賀道養記一方天

興於王充

二軒天

起於姚信

三穹天

聞於虞昂

說天六等

月令正義言天地形狀之殊凡有六等

渾天

張衡所述

蓋天

周髀以為法

宣夜

無所師法

安天

虞喜作

穹天

虞聳作

○張行成曰堯之歷象蓋天法也舜之

璇璣渾天法也

春秋日食三十六

穀梁以為朔二十六

晦七

夜二 二日一

公

羊以為朔二十七 二日七 晦二 左氏以為朔

十六 二日十八 晦一 不書日者二 有甲乙者三十四食

既三

三家星官

隋志

甘氏

齊甘德

石氏

魏石申夫

巫咸

殷

○凡二百五十四官一

千二百八十三星併二十八宿及輔官附坐一百八

十五星總二百八十二官一千四百六十八星○元

嘉中錢樂之鑄渾天銅儀以朱墨白三色別三家

唐渾儀三重

李洎風鑄表裏三重置凝暉閣

六合儀

三辰儀

四遊儀



宋渾儀三器

司天監沈括對

在外曰體

立四方上下之位

其次曰象

法天地之運行

其內曰璣衡

璣以察緯衡以察經璣可左右衡可上下

司天臺渾儀九事

至道間韓顯符鑄

天經雙規

遊規

直矩

窺管

平準輪

赤道

環

黃道環

龍柱

水臬

紹聖司天二器

儀象制度法略

儀

規天矩地機輪隱中象以察三光驗寒暑

其圓如丸其大數圍以布列宿著天經

東京四渾儀

每座重二萬斤

至道儀

在刻漏所韓顯符製

皇祐儀

在翰林司天院蘇易簡

熙寧儀

在大史局

沈括元祐儀

在合臺蘇頌

刻漏長短數

梁刻漏經謂秦之遺法漢代施用

冬至晝漏四十五刻冬至之後日長九日加一刻

夏至晝漏六十五刻夏至之後日短九日減一刻○

元嘉起居注以日出入定晝夜冬至晝四十刻夏至

夜亦宜四十刻夏至晝六十刻冬至夜亦宜六十刻

春秋分晝夜各五十刻○今減夜限日出前日入後

昏明際各二刻半以益晝夏至晝六十五刻冬至晝

四十五刻二分晝五十五刻而已

元祐四刻漏

史注

浮箭漏 秤漏 沈箭漏 不息漏

浮漏四壺 熙寧間近陽門觀

求壺 度壺 複壺 建壺

晷漏四法 薛季宣言

銅壺 香篆 圭表 鞞彈

刻漏四家

何承天 朱史 宋景 唐刻漏經

地中 司馬文正公曰景圖日行黃道每歲有差地中當隨而轉移

周在洛邑 漢在潁川陽城 唐在浚儀

五聲

宮 最濁 商 次濁 角 半清半濁 徵 最清 羽 最清 欲知宮舌

居中 喉音一日唇音季夏土 欲知商開口張 齒頭正 欲知角舌

縮却 牙音春木 欲知徵舌柱齒 舌音夏火 欲知羽撮口聚 喉音唇重

冬水 唇輕 觀物外篇先閉後開春也純開夏也先開後

閉秋也冬則閉而無聲

五音別名 兩雅

宮謂之重 商謂之敏 角謂之經 徵謂之迭

羽謂之柳 ○劉歆云宮中也君也為四音之綱其聲

重厚如君之德商章也臣也其聲敏疾如臣之節角

獨也民也其聲圓長經貫清濁如民之象徵祉也事也其聲抑揚迭續其音如事之緒羽字也物也其聲低平掩映自下而高五音備成如物之聚而為柳也

七音 按七音宮與商商與角角與徵與羽相去各一律角與徵羽與宮相去二律相去一律音節和相去二律音節遠故角徵之間近徵收一聲比徵少下謂變徵羽宮之間近宮收一聲少高於宮謂變宮

宮 黃鐘之數八十一分三分損一以下生徵徵三分益一以上生商商三分損一以下生羽羽三分益一以上生角角可行聲所以止於五也 變徵 變宮

祖孝孫七音

- 一宮 二商 三角 四變徵 五徵 六羽 七

變宮

三指定律 禹以聲為律以身為度得左三指合之為九寸則黃鐘之律定餘律生焉第二指為民為角大指為事為社故不用為裁管之法

中指為君指 三節三寸裁為宮聲之音 四指為臣指 三節三寸裁為商聲之音

五指為物指 三節三寸裁為羽聲之音

三宮 周禮大司樂注

天宮夾鐘 圓鐘 地宮林鐘 函鐘 人宮黃鐘 宗廟 ○晉律

志笛三宮正聲下徵清角

四清聲 朱文公謂半律通典謂子聲

黃鐘 大呂 太簇 夾鐘

六間 太元六始為律六間為呂周語注六呂在六律之間

十一月黃鐘乾初九也十二月大呂坤六四也正月太簇

乾九二也二月夾鐘坤六五也三月姑洗乾九三也四月中呂坤上六也

五月蕤賓乾九四也六月林鐘坤初六也七月夷則乾九五也八月

南呂坤二也九月無射乾上九也十月應鐘坤六三也

七始漢律歷志舜七始樂又曰七宗

黃鐘天始林鐘地始太簇人始姑洗春始蕤賓夏始

日南呂秋始應鐘冬始

七律周語注周有七音 景王問七音之律

黃鐘為宮 太簇為商 姑洗為角 林鐘為徵

南呂為羽為五正聲應鐘為變宮 蕤賓為變徵為二和聲

十二律陽六為律陰六為呂又曰六律六同本十二 鐘之名以為十二律之名黃帝命榮侯所鑄

黃鐘 太簇 姑洗 蕤賓 夷則 無射已上六律屬陽

大呂 夾鐘 中呂 林鐘 南呂 應鐘已上六律屬陰

十二律長短相生蔡元定三分損益隔八相生上生知益下生知損律所生者常同位呂所生者常異位故曰律娶妻而呂生子

黃鐘三分損益下生林鐘 林鐘上生太簇 太簇

下生南呂 南呂上生姑洗 姑洗下生應鐘 應

鐘上生蕤賓 蕤賓上生大呂 大呂下生夷則

夷則上生夾鐘 夾鐘下生無射 無射上生仲呂

十二鐘律

生為十二律 制為十二鐘 候為十二管 旋為十二宮 布為十二辰 測為二十四氣 衍為六十律 合為六十聲 變為六十八調 六六相因為三百六十音 以當一歲之數

京房六十律

論律者皆以十二律循環相生不知三分損益往而不返仲呂再生黃鐘止得八寸七分有奇不成黃鐘正聲故以仲呂再生別名執始轉生四十八律

律起黃鐘 子 黃鐘生林鐘 未 林鐘生太簇 寅 太簇生

南呂 酉 南呂生姑洗 辰 姑洗生應鐘 亥 應鐘生蕤賓

午 蕤賓生大呂 丑 大呂生夷則 申 夷則生夾鐘 卯 夾

鐘生無射 戌 無射生仲呂 巳 仲呂生執始 子 執始生

去滅 未 去滅生時息 寅 時息生結躬 酉 結躬生變虞

辰 變虞生遲內 亥 遲內生盛變 午 盛變生分否 丑 分

否生解形 申 解形生開時 卯 開時生閉掩 戌 閉掩生

南中 巳 南中生丙盛 子 丙盛生安度 未 安度生屈齊

寅 屈齊生歸期 酉 歸期生路時 辰 路時生未育 亥 未

育生離宮 午 離宮生凌陰 丑 凌陰生去南 申 去南生

族嘉 卯 族嘉生鄰齊 戌 鄰齊生內負 巳 內負生分動

子 分動生歸嘉 未 歸嘉生隨時 寅 隨時生未卯 酉 未

卯生形始 辰 形始生遲時 亥 遲時生制時 午 制時生

少出 丑 少出生分積 申 分積生爭南 卯 爭南生期保

戊期保生物應巳物應生質未子質未生否與未否

與生形晉寅形晉生惟汗酉惟汗生依行辰依行生

包育亥包育生謙待未謙待生未知寅未知生白呂

酉白呂生南授辰南授生分鳥亥分鳥生南事午○

錢樂之為三百律合六十律日當一管

古法七品荀勉校尺所用

姑洗玉律 小呂玉律 西京銅望臬 金錯望臬

銅斛 古錢 建武銅尺

漢五量律志黃鐘所生凡有五法

備數 和聲 審度 嘉量 權衡

四器

規 圓 矩 方 準 平 繩 直

六矩周髀算經商高答周公問用矩之道

平矩以正繩 偃矩以望高 覆矩以測深 臥矩

以知遠 環矩以為圓 合矩以為方

六度淮南子陰陽大制有六度

天為繩 墜為準 春為規 夏為衡 秋為矩

冬為權

五則漢志法度之器也

規 少陽 木 東 仁生 春 矩 少陰 金 西 義方 秋 權 太陰 水 北 知

謀衡太陽 南夏繩中央 四季信誠 ○魏相云太昊

乘震執規司春炎帝乘離執衡司夏少昊乘兌執矩

司秋顓頊乘坎執權司冬黃帝乘坤艮執繩司下土

黃帝五量家語

權衡 升斛 尺丈 里步 十百

三物樂志三物有時而蔽總其法於數使分寸龠合銖兩皆起於黃鐘

一黍之廣積為分寸 一黍之多積為龠合 一黍

之重積為銖兩

三器程迥述三器圖義

度量衡

五度所以度布帛也

分一蠶之絲為忽忽十為絲絲寸十分丈尺引十 ○說

文十髮為程十程為分 ○說苑十粟為一分

三代尺蔡邕獨斷

夏十寸為尺 殷九寸為尺外紀湯十寸為尺 周八寸為尺

○周語注五尺為墨倍墨為丈八尺為等倍尋為常

○大戴禮布指知寸布手知尺舒肘知尋

尺度十五等

一周尺漢志劉歆銅斛尺建武銅尺晉泰始荀勗律

尺為晉前尺祖冲之所傳銅尺 二晉田夫玉尺梁

法尺 三梁表尺 四漢官尺 晉始平得古銅尺

五魏尺 六晉後尺 七後魏前尺 八中尺 九

後尺 後周市尺 開皇官尺 十東魏後尺 十一蔡

邕銅籥尺 後周玉尺 十二宋氏尺 錢樂之渾天儀

尺 後周鐵尺 開皇初調鐘律尺 及平陳後調鐘律水

尺 十三開皇萬寶常律呂水尺 十四雜尺 趙劉

曜渾天儀土圭尺 十五梁朝俗間尺

大府寺四等尺 景祐間詔丁度高若訥等與王朴律準比校詳定多不相合

鐵尺 比律準長三寸二分強 景表尺 長四分 鄧保信尺 長一寸九分強 阮

逸等尺 長七分強

五權 所以權輕重也

銖 百黍為一銖 兩二十斤 十六鈞 三十石 四鈞百斤 一龠十二銖 四銖斤 兩 鈞 斤 石 二十斤 ○

說苑十粟重一圭 十圭一銖 ○ 禮記注八兩曰鎰 說

文六銖也

五量 所以量穀粟也

龠 八十四黍為圭 圭四合 龠為升 十斗十斛 日石

齊四量 左傳晏子云齊舊四量 四升為豆 各自其四以登於釜 釜十則鐘

豆 音斗 區 音謹 釜 四區六鐘 十釜六石 四升 區 四豆 釜 斗 四升 鐘 石 四斗



